

*Orde do 28 de abril de 2010 pola que se regulan as bases que rexerán as subvencións dirixidas a entidades de acción voluntaria para o fomento e a realización de actividades de voluntariado e se procede á súa convocatoria para o ano 2010.*

O Estatuto de autonomía de Galicia recolle no seu artigo 4.2º, en termos análogos a como o fai o artigo 9.2º da Constitución española, a obriga dos poderes públicos de Galicia de promover as condicións para que a liberdade e a igualdade do individuo e dos grupos nos que se integran sexan reais e efectivas, remover os atrancos que impiden ou dificulten a súa plenitude e facilitar a participación de todos os galegos na vida política, económica, cultural e social.

O Decreto 335/2009, do 11 de xuño, polo que se establece a estrutura orgánica da Consellería de Traballo e Benestar, dispón no seu artigo 35.1º d), que corresponde á Dirección Xeral de Xuventude e Voluntariado a xestión, en coordinación coa Secretaría Xeral de Familia e Benestar, das actuacións en materia de voluntariado, a elaboración e o seguimento do Plan galego de fomento e promoción da acción voluntaria, a xestión do sistema de rexistro autonómico das entidades de acción voluntaria e todas aquelas segundo o disposto na Lei 3/2000, do 22 de decembro, do voluntariado de Galicia.

A Consellería de Traballo e Benestar considera de máximo interese, polo tanto, colaborar na promoción de actividades no ámbito do voluntariado; actuacións que necesariamente deberán influír no desenvolvemento comunitario.

Esta convocatoria tramítase de acordo co disposto na Lei 38/2003, do 17 de novembro, xeral de subvencións, no capítulo II do título preliminar da Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia; e no establecido na Lei 9/2009, do 23 de decembro, de orzamentos xerais da Comunidade Autónoma de Galicia para o ano 2010.

En virtude do exposto, e facendo uso das facultades que me confire o artigo 34.6º da Lei 1/1983, do 22 de febreiro, de normas reguladoras da Xunta e da súa Presidencia, modificada pola Lei 11/1988, do 20 de outubro, a Lei 2/2007, do 28 de marzo e a Lei 12/2007, do 27 de xullo,

### DISPOÑO:

#### Artigo 1º.-*Obxecto.*

1. Esta orde ten por obxecto establecer as bases reguladoras polas que se rexerán as subvencións dirixidas a entidades de acción voluntaria, agás ás universidades galegas.

2. Estas axudas outorgaranse en réxime de concorrencia competitiva e de acordo cos principios de publicida-

de, concorrencia, obxectividade, transparencia, igualdade, non discriminación, eficacia e eficiencia.

3. Serán subvencionables os programas e actuacións presentados polas entidades sen ánimo de lucro sempre que desenvolvan proxectos de acción voluntaria e que se realicen no ámbito territorial da Comunidade Autónoma de Galicia, nalguna das seguintes áreas:

a) Área de sensibilización: o obxectivo destes programas será o de difundir entre toda a sociedade galega a importancia e o valor da participación solidaria de carácter voluntario. Trátase de fomentar o voluntariado a través de actividades de sensibilización como:

-Desenvolvemento de xornadas, seminarios, charlas e actividades dirixidas a dar a coñecer a realidade das entidades de acción voluntaria, así como á promoción e captación de voluntariado.

-Realización de campañas que fomenten a sensibilización da sociedade galega cara ao voluntariado e ás súas organizacións.

-Estudos encamiñados a coñecer a realidade do voluntariado galego nos seus diferentes niveis de actuación (local, comarcal, etc.).

b) Área de coordinación: as accións fomentarán o traballo en rede e a coordinación entre as diferentes entidades incorporando de xeito transversal as actuacións desenvolvidas nos diferentes eidos do voluntariado.

#### Artigo 2º.-*Beneficiarias/os.*

As/os beneficiarias/os das axudas serán as entidades de acción voluntaria de Galicia, agás as universidades galegas, que realicen proxectos de voluntariado durante o ano 2010, dende o 1 de xaneiro ata o 15 de outubro, e que se desenvolvan dentro das áreas de actuación da Lei 3/2000, do 22 de decembro, do voluntariado de Galicia.

#### Artigo 3º.-*Requisitos das/os beneficiarias/os.*

1. Para poder ser beneficiarias/os destas axudas serán condicións imprescindibles:

-Que as entidades estean legalmente constituídas e inscritas no Rexistro de Entidades de Acción Voluntaria de Galicia na data de publicación desta orde no *Diario Oficial de Galicia*.

-Ter sede permanente ou domicilio social en Galicia e desenvolver os programas subvencionables na Comunidade Autónoma galega a través de voluntarias ou voluntarios e profesionais.

-Ter debidamente contratados todos os seguros de responsabilidade civil e de accidentes de todas as persoas voluntarias para o ano en curso na data de presentación da solicitude, acompañando esta coas copias compulsadas das pólizas correspondentes e dos xustificantes de pagamento.

2. Polo contrario, non poderán solicitar axuda aquelas entidades que estean incursas nalgunha das circunstancias previstas no artigo 13 números 2º e 3º da Lei 38/2003, do 17 de novembro, xeral de subvencións e no artigo 10, números 2º e 3º, da Lei 9/2007, do 13 de xuño, de subvencións de Galicia.

3. As entidades deberán manter os requisitos exixidos durante todo o período de realización do programa subvencionado.

4. As solicitudes presentadas por unha agrupación de entidades farán constar no proxecto a parte executada por cada unha delas, así como o orzamento destinado ao dito proxecto.

Cando as solicitudes das entidades conteñan propostas de proxectos conxuntos, cada unha delas deberá asumir a responsabilidade solidaria do proxecto mediante escrito debidamente asinado, ademais de designar unha ou un responsable e un enderezo único para os efectos de notificacións administrativas.

*Artigo 4º.-Contía máxima da axuda.*

As axudas faranse efectivas con cargo á aplicación orzamentaria 2010.12.07.312F.481.0 (proxecto 2010.00714) por un importe de 300.000 euros, segundo o establecido na Lei 9/2009, do 23 de decembro, de orzamentos xerais da Comunidade Autónoma de Galicia para o ano 2010.

*Artigo 5º.-Conceptos subvencionables.*

1. Serán conceptos subvencionables os gastos correntes que deriven das actividades de voluntariado realizadas e recollidas no proxecto presentado e que se leven a cabo desde o 1 de xaneiro ata o 15 de outubro de 2010, entre os que se inclúen a contratación laboral de persoal técnico, os gastos derivados de desprazamentos do persoal voluntario, os gastos de actividades inherentes ao desenvolvemento do proxecto, a contratación de persoal experto, a adquisición de material funxible pero non inventariable, os servizos de comunicación (telefónicos, postais e telegráficos) e os seguros de voluntarias ou voluntarios.

2. Non se subvencionarán os gastos en bens inventariables e de investimentos, os xuros debedores das contas bancarias, as recargas e as sancións administrativas nin os gastos de procedementos xudiciais.

3. A contía máxima da axuda por proxecto non poderá superar a cantidade de 6.000 euros, nin o 75% do orzamento total do proxecto presentado.

*Artigo 6º.-Solicitudes, prazo de presentación e documentación.*

1. O prazo para a presentación das solicitudes será dun mes desde o día seguinte ao da publicación desta orde no *Diario Oficial de Galicia*.

As solicitudes deberán dirixirse á Dirección Xeral de Xuventude e Voluntariado e poden presentarse, xunto coa documentación preceptiva, na Oficina de

Rexistro Único e Información (complexo administrativo de San Caetano, Santiago de Compostela), no rexistro sito na Consellería de Traballo e Benestar (complexo administrativo de San Lázaro, Santiago de Compostela), nos rexistros dos departamentos territoriais, ou a través de calquera das formas establecidas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

2. Se o expediente se remitise por correo, presentárase en sobre aberto para que a solicitude sexa datada e selada pola/o funcionaria/o de correos antes de proceder á súa certificación.

3. As solicitudes cubertas segundo o modelo do anexo I presentáranse xunto coa seguinte documentación:

a) Copia compulsada do DNI do representante legal da entidade, no caso de que este non autorice expresamente a comprobación dos datos por medio do acceso telemático ao sistema de verificación de datos de identidade do Ministerio de Administracións Públicas.

b) Copia compulsada do CIF da entidade.

c) Certificación orixinal dunha entidade bancaria da conta da entidade onde se fará o ingreso da subvención.

d) Certificación expedida polo secretario da entidade co visto e prace do representante legal (anexo II), que recolla: o acordo do órgano que teña asumida a competencia en virtude da cal se solicita a subvención, a acreditación da persoa que ten o cargo de representante legal, así como o conxunto de todas as axudas concedidas e/ou solicitadas para o mesmo proxecto, procedentes das distintas administracións públicas ou doutros entes públicos ou privados, nacionais ou internacionais, así como os fondos propios que achega a entidade.

e) Proxecto, tal e como se recolle no anexo III, admitíndose un só por entidade ou agrupación de entidades.

f) Copia compulsada da póliza en vigor do seguro de responsabilidade civil, e do seu xustificante de pagamento, de todo o persoal voluntario.

g) Copia compulsada da póliza en vigor do seguro de accidentes, e do seu xustificante de pagamento, de todo o persoal voluntario.

4. Se a solicitude fose presentada por una agrupación de entidades, o representante da agrupación entregará a documentación detallada no punto anterior, así como o escrito a que se refire o artigo 3.4º.

5. No caso de que algún dos documentos relacionados no punto a), b), e c) xa fora presentado na Administración, cando non transcorresen máis de 5 anos desde a finalización do procedemento ao que corresponda, quedará este exento de presentación,

sempre que así se faga constar xunto co expediente para o que foi presentado.

6. Conforme o establecido no artigo 71 da Lei 30/1992, do 26 de novembro, se a solicitude de subvención non reúne os requisitos exixidos nesta orde ou os demais previstos na lexislación aplicable, o interesado será requirido para que, no prazo de dez días, emende a falta ou acompañe os documentos preceptivos, con indicación de que, se así non o fixese, se considerará desistido da súa solicitude, logo de resolución que deberá ser ditada nos termos previstos no artigo 42 da devandita lei.

#### Artigo 7º.-*Instrución e resolución.*

1. A Dirección Xeral de Xuventude e Voluntariado será o órgano competente para a instrución dos procedementos que se tramiten ao abeiro do disposto nesta orde.

2. Conforme o establecido no artigo 21 da Lei 9/2007, de 13 de xuño, de subvencións de Galicia, crearase unha comisión de valoración que estará composta polos seguintes membros:

Presidenta/e: subdirectora/or xeral de Voluntariado e Participación.

Secretario: unha/un funcionaria/o da Subdirección Xeral de Voluntariado e Participación a/o cal participará con voz pero sen voto.

Vogais: a/o xefa/e de Servizo de Voluntariado e dous técnicos da Subdirección Xeral de Voluntariado e Participación.

3. A dita comisión poderá solicitar canta documentación considere precisa para unha mellor valoración e comprobación do proxecto.

4. As solicitudes admitidas remitiráselle á comisión de valoración para que, unha vez avaliadas, proceda a propor a concesión ou denegación das axudas seguindo os criterios de valoración establecidos no artigo 8º desta orde.

5. A comisión propondrá a contía das axudas correspondentes a cada entidade, que en ningún caso poderá superar a cantidade de 6.000 euros nin o 75% do orzamento total, ata esgotar o crédito dispoñible.

6. A comisión poderá establecer un mínimo de puntuación a partir do cal non se valoren os proxectos por considerarse que non se adecúan á calidade exixida nas bases.

#### Artigo 8º.-*Criterios de valoración.*

A valoración e selección das solicitudes serán realizadas pola comisión de valoración do artigo 7º.

No devandito procedemento teranse en conta os seguintes criterios:

a) Coherencia xeral do proxecto (ata 35 puntos).

-Calidade técnica analizada a través da coherencia entre os obxectivos, programación, metodoloxía da

intervención, adecuación de recursos e actividades aos obxectivos do proxecto e criterios de avaliación. Deberán acreditarse os resultados previstos, a oportunidade e o interese social do proxecto expresados nunha relación descritiva e clara de toda a secuencia do proxecto e de cada unha das actividades que se van desenvolver, así como o número de beneficiarias/os e voluntarias/os que van participan no proxecto.

-Información precisa e detallada de cada unha das actividades e contías que se deberán destinar a cada unha das accións debidamente desagregadas, así como descrición dos recursos propios da entidade.

-Secuencia lóxica da intervención: situación da que se parte e a onde se quere chegar detalladamente, información precisa dos recursos existentes e os necesarios, cos que se conta e os que se terán que incrementar.

-Importancia da actuación en áreas de especial sensibilidade, de acordo coas necesidades reais da sociedade.

b) Viabilidade do proxecto e sustentabilidade da organización de voluntariado na Comunidade Autónoma galega previndo, entre outras medidas, a inclusión nos seus proxectos da figura da/o responsable de voluntariado e a participación de voluntarias/os da organización (ata 15 puntos).

c) Capacidade da entidade e solvencia (ata 15 puntos):

-Se a entidade xestionou con anterioridade algún proxecto de igual ou superior contía ao que presenta.

-Achega financeira da entidade ao proxecto.

-Concurrencia doutras fontes de financiamento do programa de carácter privado.

d) Proxectos innovadores que introduzan novas prácticas no fomento de experiencias de solidariedade e voluntariado no ámbito educativo, cultural, empresarial, medios de comunicación, traballo en rede e promoción dos novos espazos de intervención para o voluntariado. En especial, valoraranse os proxectos vinculados á realización de actividades de voluntariado relacionadas co Ano Xacobeo 2010 e os proxectos de seguridade viaria (ata 15 puntos).

e) Proxecto conxunto con outras entidades (ata 15 puntos).

f) Garantir o uso do galego na presentación do proxecto a esta Subdirección Xeral de Voluntariado e Participación. Así mesmo, facer constar en lingua galega toda a publicidade, publicacións, información, internet, actos públicos, material que se cree e propaganda relativas á actividade subvencionada (ata 5 puntos).

#### Artigo 9º.-*Resolución.*

1. Analizadas as solicitudes pola Comisión de valoración, esta levantará acta na que se recollerá a proposta de resolución para a súa elevación ao

director xeral de Xuventude e Voluntariado, quen resolverá a concesión ou denegación das solicitudes presentadas no prazo de 15 días desde a data de elevación da proposta de resolución.

2. O prazo máximo para resolver e notificar a resolución do procedemento non poderá exceder os seis meses. O prazo computarase a partir do día seguinte ao da publicación desta convocatoria no *Diario Oficial de Galicia*.

3. Se a resolución non foi notificada aos interesados no prazo o que se refire o punto anterior, poderá entenderse desestimada a solicitude de concesión da subvención por silencio administrativo.

4. Notificada a resolución polo órgano concedente, a/o beneficiaria/o disporá dun prazo de 10 días para a súa aceptación, transcorrido o cal sen que se produci-se manifestación expresa, entenderase tacitamente aceptada tal e como dispón o artigo 21.5º da Lei 9/2007, de 13 de xuño, de subvencións de Galicia.

#### Artigo 10º.-*Réxime de recursos.*

As resolucións expresas ou presuntas dos expedientes tramitados en aplicación desta orde esgotan a vía administrativa e contra ela cabe interpoñer os seguintes recursos:

1. Potestativamente, recurso de reposición ante o mesmo órgano que ditou o acto, no prazo dun mes contado a partir do día seguinte ao da súa notificación, ou de tres meses, contados a partir do día seguinte a aquel en que se produza o acto presunto, de conformidade co establecido nos artigos 107, 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999.

2. Directamente, recurso contencioso-administrativo ante a Sala do Contencioso Administrativo do Tribunal Superior de Xustiza de Galicia, no prazo de dous meses contados a partir do día seguinte ao de notificación da resolución, se esta é expresa, ou no de seis meses a partir do día seguinte a aquel en que se produza o acto presunto, se non o é.

#### Artigo 11º.-*Xustificación da axuda concedida.*

1. Unha vez notificada a resolución de concesión da axuda os beneficiarios procederán, antes do 18 de outubro de 2010, á xustificación da totalidade do proxecto avaliado pola comisión. Para isto, o beneficiario deberá presentar na Oficina de Rexistro Único e Información (complexo administrativo de San Caetano, Santiago de Compostela), no rexistro sito na Consellería de Traballo e Benestar (complexo administrativo de San Lázaro, Santiago de Compostela), nos rexistros dos departamentos territoriais ou a través dalgunha das formas establecidas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei

4/1999, do 13 de xaneiro, a seguinte documentación por duplicado:

1.1. Certificación expedida pola/o secretaria/o da entidade co visto e prace da/o representante legal (anexo IV), na que se farán constar:

a) O orzamento total do proxecto segundo a solicitude (en cifras e letra).

b) O importe da subvención concedida (en cifras e letra).

c) Os fondos propios da entidade (en cifras e letra).

d) O conxunto de todas as axudas concedidas e/ou solicitadas para o mesmo proxecto, procedentes das distintas administracións públicas ou doutros entes públicos ou privados, nacionais ou internacionais.

e) A relación de actividades realizadas de acordo co proxecto presentado.

f) O cumprimento da finalidade para a que se concedeu a subvención.

1.2. Unha memoria descritiva das actividades realizadas de acordo co proxecto presentado.

1.3. A acreditación da realización das actividades subvencionadas farase mediante a entrega das copias compulsadas das correspondentes facturas, que deberán ir acompañadas dunha relación nominal delas, conforme o anexo V, e de nóminas, boletíns de cotización á Seguridade Social, certificacións bancarias e demais medios establecidos no artigo 28 da Lei 9/2007, do 13 de xuño, de subvencións de Galicia, ou ben a través das facturas ou documentos de valor probatorio equivalente no tráfico xurídico mercantil ou con eficacia administrativa e a documentación acreditativa do seu pagamento.

1.4. A xustificación dos gastos realizarase, baixo a modalidade de conta xustificativa simplificada do artigo 51 do Decreto 11/2009, do 18 de xaneiro, do seguinte xeito:

-Comprobación dos gastos correspondentes ao persoal (achegaranse necesariamente as copias compulsadas das nóminas xunto cos boletíns oficiais da cotización á Seguridade Social e o modelo 110).

-En canto ás partidas que se refiran a colaboracións de carácter temporal, figurarán os recibos onde consten os datos da perceptora ou perceptor, o seu DNI, o concepto polo que se retribúe e a retención correspondente ao IRPF.

-No caso de persoas que colaboren en programas a cambio dunha gratificación, deberán presentarse as copias compulsadas dos recibos ou facturas, de ser o caso, xustificativos do gasto, nas que constará o nome do programa ou actividade, así como os datos persoais identificativos da persoa colaboradora.

-En canto os fondos propios, a entidade deberá acreditar na xustificación o importe, a procedencia e a aplicación de tales fondos a actividade subvencionada.

2. Os órganos competentes da Consellería de Traballo e Benestar poderán solicitar as aclaracións ou informes dos medios de xustificación que consideren oportunos. No caso de que a/o beneficiaria/o non os remitise dentro do prazo que se sinale, entenderase que renuncia á axuda.

*Artigo 12º.-Concurrencia de subvencións públicas e modificación da resolución.*

1. O importe das axudas e subvencións reguladas nesta orde en ningún caso poderá ser de tal contía que, illadamente ou en concurrencia con outras axudas e subvencións, supere o custo do proxecto subvencionable.

2. Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados poderá dar lugar á modificación da resolución de concesión.

*Artigo 13º.-Pagamento da axuda.*

O pagamento da subvención realizarase unha vez comprobada polo órgano concedente a xustificación presentada polo beneficiario da realización da actividade, proxecto, obxectivo ou adopción do comportamento para o cal se concedeu, e o cumprimento dos demais requisitos fixados na normativa reguladora da subvención. No caso de que o gasto xustificado sexa inferior ao orzamento total do proxecto presentado coa solicitude, a contía da axuda será minorada na mesma porcentaxe, de acordo co artigo 60 do Decreto 11/2009, do 8 de xaneiro.

Non obstante, poderán realizarse pagamentos á conta que supoñan a realización de pagamentos fraccionados que responderán ao ritmo de execución das accións subvencionadas, e que se aboarán por contía equivalente á xustificación presentada e ata o máximo do 50% da subvención concedida. O pagamento restante terá lugar no momento da completa xustificación por parte do beneficiario da finalidade e demais condicións para as que se lle outorgou a subvención. De acordo co artigo 65.4º do Decreto 11/2009, do 8 de xaneiro, as entidades de acción voluntaria quedan exoneradas da constitución da garantía á que se refire o artigo 62.3º da mesma norma.

*Artigo 14º.-Obrigas das entidades beneficiarias.*

As entidades de acción voluntaria que reciban a subvención deberán cumprir as obrigas recollidas no artigo 11 da Lei 9/2007, do 13 de xuño, de subvencións de Galicia.

1. En particular, son obrigas das entidades beneficiarias das axudas:

a) Cumprir a totalidade do proxecto de voluntariado que fundamenta a concesión de subvención.

b) Xustificar ante o órgano concedente o cumprimento dos requisitos e das condicións que determinaron a concesión da subvención así como a realiza-

ción da actividade e o cumprimento da finalidade que determinou a concesión da subvención.

c) Estar sometidos ás actuacións de comprobación que poida efectuar o órgano concedente así como calquera outra actuación que poidan realizar os órganos de control competentes, tanto autonómicos coma estatais ou comunitarios.

d) Comunicar ao órgano concedente a solicitude e/ou a obtención doutras subvencións, axudas, ingresos ou recursos que financien as actividades subvencionadas, así como a modificación das circunstancias que fundamentaron a concesión da subvención. Esta comunicación deberá efectuarse no momento que se coñeza e, en todo caso, con anterioridade á xustificación da aplicación dada aos fondos percibidos.

e) Dispoñer dos libros contables, rexistros dilixenciados e demais documentos debidamente auditados co fin de garantir o axeitado exercicio das facultades de comprobación e control.

f) Conservar os documentos xustificativos da aplicación dos fondos recibidos en canto poidan ser obxecto das actuacións de comprobación e control.

g) Dar a axeitada publicidade do carácter público do financiamento dos proxectos. Así mesmo, facer constar na publicidade e difusión que se xere, e en todos aqueles soportes informativos e publicacións que se realicen, que as actividades foron subvencionadas pola Consellería de Traballo e Benestar.

h) Proceder ao reintegro dos fondos percibidos nos supostos do artigo 33 da Lei 9/2007, do 13 de xuño, de subvencións de Galicia.

2. Sen prexuízo do disposto no punto anterior, as entidades deberán comunicar por escrito certificado, no prazo de 20 días antes da súa realización, calquera actividade coa publicidade escrita á Dirección Xeral de Xuventude e Voluntariado.

*Artigo 15º.-Fiscalización e control.*

A concesión das axudas e subvencións reguladas nesta orde estará sometida ao exercicio da función interventora e do control financeiro por parte da Intervención Xeral da Comunidade Autónoma nos termos que establece o título III da Lei 9/2007, do 13 de xuño, de subvencións de Galicia, relativo ao control financeiro de subvencións, e ás actuacións de comprobación previstas na lexislación do Tribunal de Cuentas e do Consello de Contas.

*Artigo 16º.-Reintegro das axudas ou subvencións.*

Procederá o reintegro total ou parcial da subvención e dos xuros de demora correspondentes desde o momento do pagamento ata a data en que se acorde a procedencia de tal reintegro nos casos previstos no

artigo 33 da Lei 9/2007, do 13 de xuño, de subvencións de Galicia nos seguintes casos:

-Obtención da subvención falseando as condicións requiridas para iso ou ocultando aquelas que o impedisen.

-Incumprimento total ou parcial do proxecto obxecto de subvención.

-Incumprimento da obriga de xustificación ou xustificación insuficiente nos termos establecidos no artigo 28 da Lei 9/2007, do 13 de xuño, de subvencións de Galicia e na presente orde.

-Incumprimento da obriga de adoptar medidas de difusión.

-Resistencia, escusa, obstrución ou negativa ás actuacións de comprobación e control financeiro previstas na normativa vixente, así como o incumprimento das obrigas contables, rexistras ou de conservación de documentos cando diso derive a imposibilidade de verificar o emprego dado aos fondos percibidos, ao cumprimento do obxectivo, á regularidade das actividades e á concorrencia doutras axudas.

-Incumprimento das obrigas impostas pola administración aos beneficiarios cando derive a imposibilidade de conseguir o obxecto, sempre que afecten ao modo no que se conseguen os obxectivos, ou cando do incumprimento derive a imposibilidade de verificar o emprego dado aos fondos percibidos ou ao cumprimento do obxecto.

De acordo co disposto no artigo 32 da Lei 9/2007, do 13 de xuño, de subvencións de Galicia, a declaración xudicial ou administrativa de nulidade ou anulación levará aparellada a obriga de devolver as cantidades percibidas.

Así mesmo, procederá o reintegro do exceso percibido nos supostos en que o importe da subvención, illadamente ou en concorrencia con subvencións ou axudas doutras administracións públicas ou doutras entidades públicas ou privadas, nacionais ou internacionais, supere o custo da actividade que vai desenvolver o beneficiario.

#### Artigo 17º.-*Publicidade.*

1. Unha vez ultimada a concesión das axudas, publicarase no *Diario Oficial de Galicia* a relación das concedidas con indicación da convocatoria, o programa e crédito orzamentario ao que se imputen, a entidade beneficiaria, a contía e a finalidade da subvención, de conformidade co disposto no artigo 15 da Lei 9/2007, do 13 de xuño, de subvencións de Galicia.

2. Así mesmo, publicarase na páxina web da Xunta de Galicia e no Rexistro de Axudas, Subvencións e Convenios da Xunta de Galicia a dita concesión indicando a relación de beneficiarios e o importe das axudas, ao abeiro do artigo 13 da Lei 4/2006, do 30 de xuño, de transparencia e boas prácticas na Administración pública galega.

#### *Disposicións adicionais*

Primeira.-Apróbase a delegación de atribucións da conselleira de Traballo e Benestar no director xeral de Xuventude e Voluntariado para desenvolver a concesión, denegación, modificación ou outras incidencias das axudas previstas nesta orde, así como para autorizar e dispoñer o gasto, o recoñecemento das obrigas e a proposta de pagamento, en relación co disposto no artigo 73 a) do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.

Segunda.-Poderase acordar, segundo as dispoñibilidades orzamentarias do momento, o incremento do crédito inicial establecido nesta convocatoria, tramitando o oportuno expediente orzamentario de xeración, ampliación ou incorporación de crédito, de conformidade cos artigos 31.2º da Lei 9/2007, do 13 de xuño, e 30.2º do Decreto 11/2009, do 8 de xaneiro. O incremento de crédito queda condicionado á declaración de dispoñibilidade deste como consecuencia das circunstancias antes sinaladas e, se for o caso, logo da aprobación da modificación orzamentaria que proceda. En todo caso, a concesión de axudas terá como límite a cantidade consignada na correspondente aplicación económica dos orzamentos xerais da comunidade autónoma para o ano 2010.

Terceira.-Os beneficiarios destas axudas quedan suxeitos ao réxime de infraccións e sancións previsto para esta materia no título IV da Lei 9/2007, do 13 de xuño, de subvencións de Galicia e demais normas de aplicación.

Cuarta.-Coa presentación da solicitude (anexo I) a/o beneficiaria/o dá a súa conformidade a que os datos facilitados para concesión da subvención figuren no Rexistro Público de Subvencións, coas excepcións do artigo 15.2º d) da Lei 9/2007, de 13 de xuño, de subvención de Galicia.

A relación de beneficiarios será publicada no *Diario Oficial de Galicia*, na páxina web e no Rexistro de Axudas, Subvencións e Convenios da Xunta de Galicia, en cumprimento do disposto na Lei 9/2007, de 13 de xuño, de subvencións de Galicia, na Lei 4/2006, do 30 de xuño, de transparencia e de boas prácticas na Administración pública galega e no Decreto 132/2006, do 26 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos da Comunidade Autónoma de Galicia para o ano 2006.

#### *Disposicións derradeiras*

Primeira.-Facúltase o director xeral de Xuventude e Voluntariado para ditar cantas disposicións sexan precisas en relación con esta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de abril de 2010.

Beatriz Mato Otero  
Conselleira de Traballo e Benestar



**XUNTA DE GALICIA**  
**CONSELLERÍA DE TRABALLO**  
**E BENESTAR**

*ANEXO I*

PROCEDEMENTO <b>SUBVENCIÓNS DIRIXIDAS A ENTIDADES DE ACCIÓN VOLUNTARIA PARA O FOMENTO E REALIZACIÓN DE ACTIVIDADES DE VOLUNTARIADO</b>	CÓDIGO DO PROCEDEMENTO <b>BS508B</b>	DOCUMENTO <b>SOLICITUDE</b>
---	---	--------------------------------

**DATOS DA ENTIDADE**

NOME DA ENTIDADE SOLICITANTE		SIGLAS (SE AS TIVESE)	CIF	
DOMICILIO SOCIAL		PROVINCIA	CONCELLO	
LOCALIDADE	CÓDIGO POSTAL	TELÉFONO	EXTENSIÓN	FAX
CORREO ELECTRÓNICO		Nº DE REGISTRO DE ENTIDADES VOLUNTARIAS		

**DATOS DO REPRESENTANTE LEGAL**

PRIMEIRO APELIDO	SEGUNDO APELIDO	NOME	DNI
CARGO NA ENTIDADE		PROVINCIA	CONCELLO

**DATOS DA PERSOA DE CONTACTO**

PRIMEIRO APELIDO	SEGUNDO APELIDO	NOME	DNI
TELÉFONO	FAX	CORREO ELECTRÓNICO	

**OUTROS DATOS**

EN CASO DE ESTAR INTEGRADA NALGUNHA FEDERACIÓN, PLATAFORMA, REDE OU ENTIDADE SIMILAR EN MATERIA DE VOLUNTARIADO, INDIQUE O NOME DELA :

O PROGRAMA QUE ACOMPAÑA ESTA SOLICITUDE (Marcar cunha aspa no circulo correspondente)

É PROPIO.

É EN COLABORACIÓN COA FEDERACIÓN, PLATAFORMA, REDE OU ENTIDADE SIMILAR DA QUE FORMA PARTE.

OUTRA SITUACIÓN (ESPECIFICAR):

**DOCUMENTACIÓN REQUIRIDA (Marcar cunha aspa a documentación que se achega con esta solicitude)**

PROXECTO DETALLADO DAS ACTIVIDADES

CERTIFICACIÓN EXPEDIDA POLO/A SECRETARIO/A DA ENTIDADE CO VISTO E PRACE DO/A REPRESENTANTE LEGAL

COPIA COMPULSADA DO DNI DA/O REPRESENTANTE LEGAL DA ENTIDADE (SÓ NO CASO DE NON DAR A AUTORIZACIÓN PARA A COMPROBACIÓN TELEMÁTICA NO PUNTO SEGUINTE)

COPIA COMPULSADA DO CIF DA ENTIDADE

CERTIFICACION ORIXINAL DA CONTA BANCARIA DA ENTIDADE

COPIA COMPULSADA DA PÓLIZA EN VIGOR DO SEGURO DE RESPONSABILIDADE CIVIL, E DO SEU XUSTIFICANTE DE PAGAMENTO, DE TODO O PERSOAL VOLUNTARIO

COPIA COMPULSADA DA PÓLIZA EN VIGOR DO SEGURO DE ACCIDENTES, E DO SEU XUSTIFICANTE DE PAGAMENTO, DE TODO O PERSOAL VOLUNTARIO

Dou expresamente o meu consentimento para a comprobación telemática do DNI ante o Ministerio da Presidencia segundo o Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización de medios electrónicos

SI  NON (No caso de non dar esta autorización debe anexar copia compulsada do DNI)

DECLARA QUE: presta expresamente o seu consentimento á Consellería de Traballo e Benestar para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique na súa páxina web oficial a relación dos beneficiarios e o importe das axudas concedidas.

ORZAMENTO TOTAL	ORZAMENTO SOLICITADO
-----------------	----------------------

En cumprimento do disposto no artigo 5 da Lei orgánica 15/1999, de protección de datos de carácter persoal, informoo/a de que os datos persoais recollidos nesta solicitude, se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE  
*Orde do 28 de abril de 2010 pola que se regulan as bases que rexerán as subvencións dirixidas a entidades de acción voluntaria para o fomento e realización de actividades de voluntariado e se procede á súa convocatoria para o ano 2010.*

SINATURA DO/A REPRESENTANTE LEGAL DA ENTIDADE

\_\_\_\_\_ de \_\_\_\_\_ de \_\_\_\_\_

(Para cubrir pola Administración)

RECIBIDO	NÚMERO DE EXPEDIENTE
REVISADO E CONFORME	DATA DE ENTRADA
	DATA DE EFECTOS
	DATA DE SAÍDA

## ANEXO II

D<sup>a</sup>/D. [ ] con DNI nº [ ]  
 secretaria/o de [ ] [ ] con domicilio  
 social en [ ] e con  
 CIF nº [ ]

**CERTIFICA:**

- 1.- Que, (1) [ ] da dita entidade, en reunión que tivo lugar o día [ ] acordou solicitarlle á Consellería de Traballo e Benestar da Xunta de Galicia unha subvención para a realización do proxecto (2) [ ], correspondente ao ano 2010.
- 2.- Que D<sup>a</sup>/D. [ ] con DNI nº [ ] é a/o actual (3) [ ] desta entidade desempeñando, con base en (4) [ ] a súa representación legal.
- 3.-Que en relación á Orde de [ ] pola que se regulan as bases que rexerán as subvencións dirixidas ás entidades de acción voluntaria para o fomento e realización de actividades de voluntariado, o conxunto de axudas solicitadas ou concedidas para este proxecto, procedentes das distintas administracións públicas ou doutros entes públicos ou privados, nacionais ou internacionais, independentemente da concedida ao abeiro desta orde así como os fondos propios da entidade, son os que se describen a continuación:

ENTIDADE QUE CONCEDE	CANTIDADE SOLICITADA	CANTIDADE CONCEDIDA
[ ]	[ ]	[ ]
[ ]	[ ]	[ ]
[ ]	[ ]	[ ]
[ ]	[ ]	[ ]
<b>FONDOS PROPIOS</b>		<b>CANTIDADE ACHEGADA</b>
[ ]		[ ]

Non percibimos ningunha outra axuda.

[ ] de [ ] de

Visto e prace  
Representante legal da entidade

Secretaria/o da entidade

(sinatura da/o representante legal)

(selo da entidade)

(sinatura da /o secretaria/o)

- (1) Deberá indicarse o órgano (xunta directiva, asemblea, etc.) que, segundo os estatutos da entidade, é o competente para acordar a solicitude da subvención.  
 (2) Denominación do proxecto.  
 (3) Expresar o cargo da/o representante legal da entidade (por exemplo: presidenta/e, director/a, administrador/a, etc.).  
 (4) Expresar o documento no que figura o nomeamento da /o actual representante legal da entidade (por exemplo: acta fundacional, escritura de apoderamento, etc.).

## ANEXO III

## DATOS XERAIS DO PROGRAMA

<b>ÁREA NA QUE SE SOLICITA:</b>			
<input type="checkbox"/> SENSIBILIZACIÓN	<input type="checkbox"/> COORDINACIÓN	<input type="checkbox"/> XACOBEO 2010	<input type="checkbox"/> SEGURIDADE VIARIA
SUBVENCIÓN SOLICITADA Á CONSELLERÍA DE TRABALLO E BENESTAR:			€
<b>PROXECTO (máximo 4 páxinas)</b> - Denominación/nome. - Obxectivos. - Identificación dos problemas/necesidades que se pretenden abordar con este proxecto de voluntariado. - Data de inicio e remate. - Se o proxecto é conxunto entre varias entidades, parte executada por cada unha delas. - Número de beneficiarias/os e voluntarias/os que participan no proxecto. - Orzamento total e se o proxecto é conxunto con outras entidades, cantidade que achega cada entidade ao proxecto.			
<b>ACTIVIDADE/S (nas 4 follas seguintes ás de proxecto. Máximo 4 páxinas por actividade).</b> - Descrición individual de cada unha delas (que, como e onde). - Obxectivos. - Responsable da execución. - Calendario e datas de inicio e finalización. - Recursos humanos (remunerados e voluntarios). - Materiais propios e alleos. - Se a actividade é conxunta entre varias entidades, parte executada por cada unha delas. - Orzamento total e, se o proxecto é conxunto con outras entidades, cantidade que achega cada entidade á actividade.			

<b>SECTORES DA POBOACIÓN AOS QUE VAI DIRIXIDO O PROXECTO</b>		
<input type="checkbox"/> MAIORES	<input type="checkbox"/> DISCAPACIDADE	<input type="checkbox"/> MOCIDADE
<input type="checkbox"/> DROGODEPENDENCIAS	<input type="checkbox"/> MULLERES	<input type="checkbox"/> INFANCIA E FAMILIA
<input type="checkbox"/> INMIGRANTES	<input type="checkbox"/> RECLUSAS/OS E EX-RECLUSAS/OS	<input type="checkbox"/> MINORÍAS ÉTNICAS
<input type="checkbox"/> COOPERACIÓN	<input type="checkbox"/> AMBIENTE	<input type="checkbox"/> ENFERMOS E ORGANIZACIÓNS DE AUTOAXUDA
<input type="checkbox"/> OUTRAS		

## FINANCIAMENTO DOS PROXECTOS

CONSELLERÍA DE TRABALLO E BENESTAR		EUROS
OUTRAS CONSELLERÍAS		EUROS
OUTRAS ADMINISTRACIÓNS		EUROS
FINANCIAMENTO PROPIO		EUROS
OUTROS INGRESOS (ESPECIFICAR)		EUROS
TOTAL		EUROS


Se se trata dun proxecto realizado en colaboración con outras entidades:

## PROXECTOS CONXUNTOS

ENTIDADE PARTICIPANTE	ACTIVIDADE DO PROXECTO	% DE PARTICIPACIÓN NO PROXECTO


*ANEXO III (continuación)*

**PROXECTO - Páxina 1**




*ANEXO III (continuación)*

**PROXECTO - Páxina 2**




*ANEXO III (continuación)*

**ACTIVIDADES - Páxina 1**



*ANEXO III (continuación)*

**ACTIVIDADES - Páxina 2**



## ANEXO IV

Dª/D. [ ] con DNI nº [ ]  
 secretaria/o da entidade [ ] con domicilio  
 social en [ ] e con  
 CIF nº [ ]

**CERTIFICA:**

Que en relación á Orde do [ ] pola que se regulan as bases que rexerán as subvencións dirixidas a entidades de acción voluntaria para o fomento e realización de actividades de voluntariado:

**PRIMEIRO:** o orzamento total do proxecto indicado na solicitude inicial é de [ ]

**SEGUNDO:** o importe total da subvención concedida ao abeiro desta orde pola Dirección Xeral de Xuventude e Voluntariado é a seguinte:

<b>IMPORTE EN CIFRAS</b>	[ ]	
<b>IMPORTE EN LETRAS</b>	[ ]	EUROS

**TERCEIRO:** os fondos propios achegados pola entidade para o mesmo proxecto son os seguintes [ ]

**CUARTO:** o conxunto de axudas solicitadas e/ou concedidas para o mesmo proxecto, procedentes das distintas administracións públicas ou outros entes públicos ou privados, nacionais ou internacionais, independentemente da concedida ao abeiro desta orde, son os seguintes:

<i>ENTIDADE QUE CONCEDE</i>	<i>CANTIDADE SOLICITADA</i>	<i>CANTIDADE CONCEDIDA</i>
[ ]	[ ]	[ ]
[ ]	[ ]	[ ]
[ ]	[ ]	[ ]
[ ]	[ ]	[ ]

Non percibimos ningunha outra axuda

**QUINTO:** o gasto total executado do proxecto [ ]

**SEXTO:** a entidade desenvolveu as seguintes actividades co gasto que se refire segundo o proxecto presentado na solicitude da subvención indicada:

**ACTIVIDADES:**

**SÉTIMO:** o importe da subvención concedida, dos fondos propios achegados e das subvencións percibidas doutras entidades para o mesmo proxecto foron destinados á finalidade para a cal a subvención foi concedida.

\_\_\_\_\_, de \_\_\_\_\_ de \_\_\_\_\_  
 Visto e prace  
 Representante legal da entidade

Secretaria/o da entidade

ANEXO V

RELACIÓN DE XUSTIFICANTES DE GASTOS. ACHEGAR FACTURAS ORIXINAIS OU COMPULSADAS.

Nº	DATA	Nº FACTURA	CONCEPTO DA FACTURA E ACTIVIDADE A QUE SE REFIRE	GASTO EXECUTADO (€)	GASTO COMPUTABLE (€)
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					
21					
22					
23					
24					
25					
26					
27					
28					
29					
30					
<b>SUMAS TOTAIS</b>					
Sinatura e selo					